

CUMÜN DA SCUOL



Ordinaziun davart la remuneraziun da las autoritads e cumischiuns

Ordinaziun da remuneraziuns

REGISTER

Artichel

I. Disposiziuns generalas

Basa / mera 1

II. Tariffas

Pauschallas annualas 2

Supplemants da funcziun 3

Remuneraziuns per sezzüdas 4

Remuneraziuns per la commembranza in cussagls administrativs 5

Remuneraziuns per ulteriuras lavuors 6

Remuneraziuns per protocols 7

III. Organisaziun

Registraziun da las lavuors 8

IV. Disposiziuns finalas

Aboliziun da disposiziuns cuntradictorias 9

Entrada in vigur 10

Per personas, funcziuns e mansters vain dovrada per princip la fuorma masculina. Ella as referischa adüna a tuots duos geners.

I. Disposiziuns generalas

Art. 1 Basa / mera

- 1 La basa da quist'ordinaziun es la *Ledscha davart las remuneraziuns da las autoritats e cumischiuns* dal cumün da Scuol (art. 4).
- 2 Quist'ordinaziun fixa las taxas per las remuneraziuns e regla l'organiziun pro l'execuziun da la ledscha.

II. Tariffas

Art. 2 Pauschalas annualas

- 1 Las pauschalas annualas vegnan fixadas seguintamaing:

Suprastanza cumünala: commembers culs sectuors fabrica e scoula	CHF	13'000.00
Suprastanza cumünala: ulteriurs commembers	CHF	11'000.00
President dal cussagl da scoula	CHF	11'000.00

Art. 3 Supplemains da funcziun

- 1 Ils supplemains da funcziun vegnan fixats seguintamaing:

Vicecapo	CHF	750.00
President da la cumischiun sindicatoria	CHF	750.00

Art. 4 Remuneraziuns per sezzüdas

- 1 Ils commembers dals seguints gremis elets a l'urna survegnan üna remuneraziun pellas sezzüdas chi'd importa 50 francs per ura.

- suprastanza cumünala (exclus las sezzüdas da suprastanza)
 - cussagl da scoula (sainza il rapreschantant da la suprastanza cumünala)
 - cumischiun sindicatoria (cumprais il president)
- 2 Ils commembers dad ulteriuras cumischiuns (stablas o temporaras) instituidas da la suprastanza cumünala survegnan üna remuneraziun pellas sezzüdas chi'd importa 40 francs per ura.

Art. 5 Remuneraziuns per la commembranza in cussagls administrativs

- 1 Ils commembers da la suprastanza cumünala chi fan part da cussagls administrativs vegnan remunerats per quist ingaschamaint dal cumün in basa a quist'ordinaziun. Il cumün survain ils onuraris correspundents da las firmas / organisaziuns respectivas.
- 2 Las commembranzas dal capo cumünal in cussagls administrativs sun üna part da seis pensum. Quista regulaziun nu vala perquai per el.

Art. 6 Remuneraziuns per ulteriuras lavuors

- 1 Ils commembers dal cussagl da scoula (sainza il rapreschantant da la suprastanza cumünala) vegnan remunerats eir per lur visitas in scoula e per lavuors ordinadas dal president dal cussagl da scoula.
- 2 La remuneraziun importa 50 francs per ura.

Art. 7 Remuneraziuns per protocols

- 1 La remuneraziun importa 50 francs per protocol.

III. Organisaziun

Art. 8 Registraziun da las lavuors

- 1 Ils commembers da las autoritats e cumischiuns registreschan svesch las lavuors chi nu vegnan remuneradas cul fixum (gener da la lavur, temp impuondü, spaisas).
- 2 Il cumün tils surdà per quist intent al cumanzamaint da l'on ün formular per implir oura.

IV. Disposiziuns finalas

Art. 9 Aboliziun da disposiziuns cuntradictorias

- 1 Subit cha quist'ordinaziun es entrada in vigur sun abolidas tuot las disposiziuns chi tilla cuntradischan.

Art. 10 Entrada in vigur

- 1 Quist'ordinaziun aintra in vigur – davo cha la suprastanza cumünala tilla ha approvada – pels 1. schner 2016.

La suprastanza cumünala ha approvà quist'ordinaziun als 11 schner 2016.

IN NOM DA LA SUPRATANZA CUMÜNALA

Il capo:

Christian Fanzun

L'actuar:

Andri Florineth